

## **Bəra'inə nga ləkaləkatə nga Bulusə ka Timooti**

<sup>1</sup> Wiinə ləkaləkatə ca dzə daciiki Bulusə. Ma nya, masləkee əndə nga Yeesu \*Aləmasiihu nə nyi, makə sətə mwayi Əntanƒə. Kə sləkee ci ka nyi kaa nya waaza ka ənji agyanə əpinə ətə bii Əntanƒə, ka viinə nə ci daci Yeesu Aləmasiihu.

<sup>2</sup> Agi nəhəpaanə nə nyi tə hə Timooti. Ma ha, moodə uuzənaaki nə hə. \*

Wa Əntanƒə Dəsənaamə da Slandanaamə Yeesu Aləmasiihu a ƒa ka hə pwapoonə, təya ƒa ka hə nga'əənə, təya vii ka hə ndzaanə jamə.

### *Kuyiriinə tə Əntanƒə putə nga vii goonga nga Timooti*

<sup>3</sup> Agi kuyiriinə nə nyi tə Əntanƒə taa guci patə cii kya buurətə tə hə agi ƒa də'wa; vədə da uusera cii kya ƒa ha'ə, pooshi bədanə. Tə ci cii kya paslə də ɲunyi ndzaanə, makə sətə nji dzədzəshi'inəki a paslə tə ci.

<sup>4</sup> Ma nya buurətə tuunaaku putə nga təkənə gaanwə, nga'ə ka nyi nya ənə ka neenə ka hə ka shaŋə, kaa nya shii ƒa moodasəka.

<sup>5</sup> Agi buurətənə nə nyi vii goongaaku nga tantanyinə, tsarə ətə nga kuku Looyisə da nga muu Afiniki. Kə shii nyi əsə, ma'ə hə da vii goongakii.

---

**1:1 1.1** 1 Tim. 2.7.    \* **1:2 1.2** Timooti: 1 Tim. 1.2; 1 Koor. 4.17.  
**1:3 1.3** Fil. 3.5; 1 Tim. 1.5.    **1:5 1.5** Slənə 16.1.

<sup>6</sup> Acii ha'ə, wanyinə ka buuretənə ka hə oo'i, tsakuu dzənə aakəŋwa də ɗa slənə də baawəɗatə kavə Əntanɗə aaciiku, waatoo, baawəɗa ətə vii ci ka hə saa'itə kavə nyi ciinə aanəku kaa ha ɗa slənə ŋga Yeesu Aləmasiihu.

<sup>7</sup> Ma Əntanɗə, maviimə ci kaamə ədzəmə ŋga ŋgwalənə. Amma kə vii ci kaamə ədzəmə ŋga ndzaanə da ŋgeerənə da ŋga uufəshinə da ŋga ətsətə na.

<sup>8</sup> Acii ha'ə, maa ha wabə agyanə Slandanaamə, ga ayinə a ɗa tə hə. Əndə furəshina nə nyi ka putaakii, amma ga ha ayi acii shiinə ŋga ənji oo'i, guva-slənaaku nə nyi. Amma sə'watə sa ciba makə naaki putə ŋga Njunyi Habara, makə sətə vii Əntanɗə ka hə ŋgeerənə ŋga sə'watənə.

<sup>9</sup> Ci luupaa taamə, ca 'watə taamə kaama ndzaanə ka ənjaakii. Ma ɗii ci ha'ə, əntaa putə ŋga njunyi slənə gaamə, amma ha'ə mwayi ci ɗa ŋga'əənaakii. Waatoo, daga ŋukə ɗii ci aniya ŋga ɗanə ha'ə, kaa ca luupaa taamə daciai Yeesu Aləmasiihu.

<sup>10</sup> Ma əndzə'i, makə shi Maluu gaamə Yeesu Aləmasiihu, kə baarii Əntanɗə furəŋə oo'i, kə ɗii ci kaamə ŋga'əənaakii. Kə əbipaa Yeesu ŋgeerənə ŋga wa, ca baarii oo'i, maa kə li-waamə Njunyi Habara, ka upaanə naamə əpinə ka ca'ə ndəŋwə ndəŋwə. †

<sup>11</sup> Nyi ka nəki maa, kə ta'i Əntanɗə tə nyi kaa nya ndzaa ka masləkee ənda da əndə waaza ka

---

**1:6 1.6** 1 Tim. 4.14. **1:7 1.7** Rooma 8.15. **1:8 1.8** 2.9; Rooma 1.16. **1:9 1.9** Af. 2.8-9; Tit. 3.5. † **1:10 1.10** Yooh. 1.14; Tit. 3.6; əpinə da wa: 1 Koor. 15.20,55,57; Ibər. 2.14-15.

ənji Njunyi Habarakii, nya dzəgunətə ka tii.

<sup>12</sup> Putakii əsə cii kya sa cibəna. Amma pooshi ayiiki, acii kə shii nyi Əndətə vii nyi ka ci gooŋga. Kə shii nyi ndilə ndilə əsə oo'i, ma Njunyi Habaratə ba'avə ci aaciiki, ka hadatəginə nə ci dəŋə ka uuseratə nii kəya ənya.

<sup>13</sup> Kəsətə tənə tənə tənə tənə wabəətsə jigunyii ka hə, ha dzəgunətə ka hara ənji, ha ndzaa da vii gooŋga, ha uudə tənə Əntəŋfə da ənja makə sətə bii Yeesu Aləmasiihu.

<sup>14</sup> Ga ha kapaa taa tənə wu kaa ca zə'wee ka Njunyi Habaratsə ba'avə Əntəŋfə aaciiku. Amma kəsətə tənə tənə də baawəda ŋga Malaaba Ma'yanə ənə asəkə ədzəmaamə.

<sup>15</sup> Kə shii hə oo'i, patənə ŋga ənji nə'unə anə hanyinə ŋga Asiya, kə bwasee tii ka nyi, nyi daanəki. Ahadatii nə i Figilusə da Harəmagana əsə.

<sup>16</sup> Amma, wa Slandanə a də ka ənji yi ŋga Wanasifara barəkaanə, acii ma ca, laŋə nə ci agi əgə ka nyi ma'i rara'ə aasəkə ədzəməki. Paa ci ayi əsə ŋga anəənə anyi ənji tənə nyi. †

<sup>17</sup> Makə shi Wanasifara aa hanə aa Rooma, kə ali ci tənə nyi ka shaŋə, kə nee ci ka nyi.

<sup>18</sup> Wa Slandanə a də ka ci barəkaanə uuseratə nii kəya ənya ka də gəŋwanə ka ənja. Kə shii hə furəŋə makə sətə njii kəya də ka nyi ŋga'aanə də Afisa.

## 2

### *Shikwa ŋga əndətə ca slənə ka Yeesu*

---

**1:11 1.11** 1 Tim. 2.7. **1:13 1.13** 1.5; 1 Tim. 1.10. **1:14 1.14**  
1 Tim. 6.20. **1:15 1.15** 4.16. † **1:16 1.16** Wanasifara: 4.19.

*\*Aləmasiihu*

<sup>1</sup> 'Ya'ə uuzənaaki, ma hə, ndzaa da ngeerəne agi pwapoonə nga Yeesu Aləmasiihu.

<sup>2</sup> Ma sətə fii hə amaki akənwacii seedawanyinə lanə, bawə ka ənjitə da goonğa ashitii, waatoo, ka ənjitə na mbee ka dzəgunətənə ka hara ənji əsə.

<sup>3</sup> Sə'watə sa ciba putə nga Yeesu Aləmasiihu, makə sətə ci nunyi sooja a sə'watə ciba.

<sup>4</sup> Ndzaanə makə sooja: ma əndətə ngirə ənji tə ci ka soojaanə, ka d'anə nə ci gazhi'waanə nga uudagi səkə nga gawa ka ha nga panə. Acii ha'ə, paa ci ka ka nəkii ka slənə uushi'inə ətə əntaa nga soojiinə.

<sup>5</sup> Buurətə əsə aqyanə əndə buurə huyihuyinə taa ləəfə uushi'inə. Acii ma əndə d'a tsarə buurəətsa, paa ci ka upaa shikwa, madaamə ci kə nə'utə rəgwanyinə nga buurənəkii.

<sup>6</sup> Ndzaanə əsə makə mooza ətə ca d'a gazhi'waanə nga uuzanə, acii ci nə 'watə upaa zəmə nga ra.

<sup>7</sup> Kavə nəku ka sətə cii kya ba ka hə. Acii maa d'ii hə ha'ə, ka kavənə nə əntanfə tə hə ka shii patənə nga uushi'iitə dəbee ha shii.

<sup>8</sup> Buurətə tə Yeesu Aləmasiihu agi slikərənə nga Dawuda. Kə madəe əntanfə ka ci agi maməətə ənja. Ha'ə cii kya ba, nya waaza Nynyi Habara.

<sup>9</sup> Putə nga waaza Nynyi Habarakii cii kya sa cibə ha'ə, wanyinə ma'anəkii a furəshina makə ma'waslyakə ənda. Amma pooshi wabənə nga

Əntanƣfə ma'anəkii, aƣi dzənə nə ənji aakəƣwa də waazanə.

<sup>10</sup> Ka ətsə ha'ə cii kya sə'watə taa mi patə putə ƣga matadə ənji ƣga Əntanƣfə, kaa təya upaa luupaanə daciai Yeesu Aləmasiihu, tii maa, təya ndzaanə aƣi d'uuunuunə ƣga Əntanƣfə ka ca'ə ndəƣwə ndəƣwə.

<sup>11</sup> Ma sənə cii kya moo banə, tantanyinə, waatoo,

“Maa kə əƣkyaamə da i ca, ka upaanə naamə əpinə da i ci əsə.

<sup>12</sup> Maa kə gyaamə aakəƣwa də sə'watə ciba, ka d'fanə naamə ƣwanjuunə da i ci əsə.

Maa kə bii amə mashiimaamə tə ci, ci maa, ka banə nə ci mashiimə ci taamə.

<sup>13</sup> Maa pooshi amə da gooƣga, ma ci kamə, ka mbu'utəƣinə nə ci də gooƣgaanaakii, acii paa ci ka bwasee ka wabənaakii gərəfə a rəƣwa yadə mbu'utəƣinə.”

### *Əndə slənə ƣga gooƣga*

<sup>14</sup> Ma uushi'iitse baabii nyi ka hə, duu də buurətənə ka ənja. Bawə ka tii akəƣwacii Əntanƣfə, ga təya ndzaa ka d'faada mabizhinə agyanə wabənyinə, acii ma tsarətsa, pooshi bwatyakii, madaamə lədfəƣi də nə ƣga ənji ətə ca fa.

<sup>15</sup> Ma ha, d'awə ƣazhi'waanə kaa ha ndzaa ka əndətə ca kadeesəkə ka Əntanƣfə, ha ndzaa makə

---

**2:9 2.9** 1.8; Af. 3.1; Fil. 1.12-14. **2:10 2.10** Rooma 5.2; Kwal. 1.24. **2:11 2.11** Rooma 6.8. **2:12 2.12** Mat. 10.32-33; Rooma 5.17. **2:13 2.13** Rooma 3.3-4. **2:14 2.14** 1 Tim. 1.3-7; 6.4; Tit. 3.9.

nga əndə slənətə pooshi ka ayinə agi slənaakii, ha ndzaa ka əndətə ca bagi wabənə nga goonğa nga'ə.

<sup>16</sup> Ma ənjitə ca daada məza wabənə ətə ca saawee ka ləmə nga Əntanƒə, ga ha ndzaa da tii. Acii ma təya, anəkii anəkii nə tii ka ɲusləginə agi nə'unə tə Əntanƒə.

<sup>17</sup> Ma wabənətii, agi tsakə aslənə makə ma'aslə'asla. Ahadatii nə i Himiniya da Filita əsə. \*

<sup>18</sup> Tii ca dzəgunə ka ənji sətə mandzaamə ka goonğa, waatoo, təya ba, kə uugi Əntanƒə madee ka maməətə ənja. Də ha'ə ci vii goonğa nga hara ənji a əntəgi.

<sup>19</sup> Patə da ha'ə, ma goongaanə ətə shi dəcii Əntanƒə, kə kəɲə də ɲgeerənə, makə faaratə mbuki ənji kuvə anəkii. Tə'i manaahəkii ashikii oo'i, "Kə shii Slandanə tə ənjaakii." Tə'i əsə manaahəkii oo'i: "Patənə nga ənjitə ca 'wa tə Yeesu də Slandana, wa təya bwasee ka slənə bwaya uushi'inə."

<sup>20</sup> Ma asəkə maduunə ya, tə'i kuyimiinə kama kama. Tə'i harakii nga əndzənə, tə'i nga tibisa əsə. Harakii əsə, nga ənfwə taa ndzaba ghənətə ənji. Ma hara kuyimiitsa, agi əndzanə slənəginə ənji. Ma harakii əsə, ka slənəginə ha'ə asii saakii.

<sup>21</sup> Ha'ə əsə, taa wu patə bwasee ka slənə bwaya uushi'iitsa, ka ndzaanə nə ci makə ɲunyi kəɲwa ətə da məghərəvənə davə. Slandanə a

---

**2:15 2.15** 1 Tim. 1.10.      **2:16 2.16** 1 Tim. 1.4.      \* **2:17 2.17**  
 Himiniya: 1 Tim. 1.20.      **2:19 2.19** Baan. 16.5; Yooh. 10.14.  
**2:20 2.20** Rooma 9.21.

kavə tə ci ka ɗa ŋunyi sləna, acii tə'i nafalaakii ka ci. Matasəkakii ndzaanəkii taa guci patə ka ɗa ŋunyi slənə əsə.

<sup>22</sup> Acii ha'ə, ga ha ɗa bwaya uushi'iitə ci hara daguyinə a ɗa. Amma ndzaa yadə idəpaa uushi ashiku, ha ndzaa da vii goonɗa, ha uudə ənja, ha ndzaa agi jamənə. Dawə ha'ə makə ŋga hara ənjitə ca kədii acii Slandana də malaaba moodəfa.

<sup>23</sup> Ma ənjitə ca ndzaa ka wabə mazabə uushi'inə pooshi bwatyakii, ga ha jikə aagi wabənatii. Acii kə shii hə, ma tsarə ŋga wabəətsa, ci ca kira mabizhinə.

<sup>24</sup> Ma əndə slənə ŋga Slandana, ga ca ndzaa ka ɗaada mabizhinə da ənja. Amma, wa ca ɗa ŋga'aanə taa ka wu patə, ca mbee ka dzəgunətənə ka ənji ŋga'ə, ca sə'watə ndzaanə da ənja.

<sup>25</sup> Ma ənjitə ca ɗaada ka ci mabizhinə, wa ca banee ka haŋkalaakii akəŋwaciitii, ca dzəgunə ka tii. Mbu'u ka ɗanə təya baanə ka Əntarjə kaa təya shii goonɗa.

<sup>26</sup> Maa ɗii ha'ə, ka mbərəɗənə nə tii asəkə zaanwanə ŋga \*Seetanə ətə kəshi tə tii, təya nə'u sətə bii Əntarjə.

### 3

#### *Muudinə ŋga duuniya*

---

2:21 2.21 3.17. 2:22 2.22 1 Tim. 6.11. 2:23 2.23 2.16. 2:24  
2.24 1 Tim. 3.3; Tit. 2.7-8. 2:25 2.25-26 1 Tim. 2.4.

<sup>1</sup> Yoo, see a shii hə oo'i, ma muudineŋa duuniya, kadə nə bwaya ənjə a kavə ənji ka sa cibə ka shaŋə.

<sup>2</sup> Acii ma saa'ikii, ka uudənə nə ənji natii na, kadə nə ənjə a uudə gəna, təya duunətə natii na, təya dzaana tə Əntaŋfə, pa təya fa tə məsənətii da dəsənətii, pa təya kuyirii tə Əntaŋfə taa tə ənji tsakənə tə tii, təya bərapaa taa ŋgutə uushi,

<sup>3</sup> pa təya uudə taa tə ənji yatii, pa təya uudə tə hara ənji əsə, təya laala jirakənə aashi hara ənji, təya təkuree ka sə'watə taa ŋgutə uushi, makə ŋga daba ndzaanə haŋkalatii, pa təya uudə taa ŋgutə ŋunyi uushi,

<sup>4</sup> təya taŋəgi maguŋuura, purətə haŋkaliinə nə tii, təya zhi'wee ka nətii makə uushi, təya də sətə kadeesəkə ka tii, təya bwasee ka ŋga Əntaŋfə,

<sup>5</sup> təya də makə agi paslənə nə tii tə ci, amma təya kaaree ka tantanyinə ŋga baawədaakii. Ma tsarə ŋga ənjitsa, ga ha ndzaa da tii.

<sup>6</sup> Tə'i hara ənji ahadatii ca itə aa ha hara ənji aasii, təya dzə ka zhi'wee ka nə ŋga makinə ətə pooshi nətii ka hakii. Ma makiitə zhi'wee ənji ka nətii, kə ŋgərəma 'waslyakəənə ədzəmətii, təya moo uushi'inə ŋga \*duuniya kama kama.

<sup>7</sup> Taa guci patə nə tii ka də gazhi'waanə ŋga dzəgunə uushi'inə, amma kə təkuree tii ka shii goŋga.

<sup>8</sup> Makə sətə shi i Yanasə da Yambəra a kaaree

---

**3:1 3.1** 1 Tim. 4.1; 2 Piita 3.3; 1 Yooh. 2.18; Yahu. 18. **3:2 3.2-4**  
Gal. 5.19-21. **3:5 3.5** Mat. 7.15,21; Rooma 2.19-20; Tit. 1.16.  
**3:6 3.6** Tit. 1.11.



ka Muusa, kə kaaree ənjitə ka goonḡaanə. See hiima bwaya uushi'inə, uushi zabə nə vii goonḡatii əsə.

<sup>9</sup> Amma pooshi məzaanatii ka ta'avənə, acii kadə nə taa wu a nee ka purətə hanḡalaanatii, makə sətə shi ənḡə a nee ka nḡa i Yanasə da Yambəra.

*Muudinə nḡa wabənə*

<sup>10</sup> Ma hə kamə, kə shii hə dzəgunənaaki nḡa'ə, kə shii hə ndzaanaaki əsə, da sətə cii kya moo d'anə, da vii goonḡaaki, da makə sətə cii kya sə'watə ndzaanə da ənḡa, da makə sətə cii kya uudə ənḡa, da makə sətə cii kya sə'watə taa nḡutə ciba.

<sup>11</sup> Kə shii hə makə sətə sii nyi nḡəra'wə da ciba, waatoo tə sətə slənyi tə nyi də Antakiya da Ikuniya da Lisətira. Kə sii nyi cibə ka shaḡə, amma patə da ha'ə, taa guci mwayi ənḡi d'anə ka nyi, agi luupaanə nə Slandanaamə tə nyi. \*

<sup>12</sup> Patənə nḡa ənḡitə ca moo ndzaanə ləbə da Yeesu Aləmasiihu makə sətə mwayi Əntanḡə, ka sanə nə tii ciba acii ənḡa.

<sup>13</sup> Ma bwaya ənḡi da majirakinə, ka tsakənə nə tii dzənə aakəḡwə aakəḡwa də ndzaanatii ha'ə. Də d'anə ha'ə ci təya ha'u də natii na, təya ha'u də hara ənḡi əsə.

<sup>14</sup> Amma, ma hə, duu aakəḡwa də ndzaanə agi goonḡaanaaku makə sətə jigunyi ənḡi ka hə, ha

---

**3:8 3.8** Shig. 7.11,22; 8.3,14; 1 Tim. 6.4-5.    **3:10 3.10** Rooma 16.24; 1 Tim. 1.5.    \* **3:11 3.11** Slənə 13.50; 14.5; 14.19; ciba: Jab. 34.20; 2 Koor. 11.23-29.    **3:12 3.12** Mat. 16.24; Yooh. 15.20; Slənə 14.22; 1 Tees. 3.3.

luuvə də ədzəmə rəŋwə, acii kə shii hə ənjitə jigunyi ka hə,

<sup>15</sup> ha buurətə oo'i, daga hə ma'ə uundzə uuzənə, kə shii hə malaaba ləkaləkatə. Ci ca cikirətə tə hə kaa ha shii upaa luupaanə putə ŋga vii gooŋga ka Yeesu Aləmasiihu.

<sup>16</sup> Patənə ŋga wabənə asəkə malaaba ləkaləkatə, da ma Əntaŋfə shigi. Tə'i bwatyakii əsə ka rəgwa ŋga dzəgunə wabənə ŋga gooŋga ka ənja, da dzalənə də ənja, da hadatəgi də ənji maa kə dīi tii 'waslyakəənə, da kaa ca baarii kaamə makə sətə caama ndzaanə ŋga'ə.

<sup>17</sup> Ma ətsə ha'ə, kaa əndə ŋga Əntaŋfə a ndzaa matasəkakii ka shaŋə, ca ndzaa mambu'ukii bahə də ŋunyi sləna.

## 4

<sup>1</sup> Ma Yeesu, ka ənyanə nə ci, ca shi ka də ŋwanjuunə, ci na də gəŋwanə ka ənjitə da i əpinə da ənjitə məəki. Acii ha'ə, wanyinə ka banə ka hə akəŋwacii Əntaŋfə da Yeesu Aləmasiihu,

<sup>2</sup> waazawə wabənə ŋga Əntaŋfə, ha də gazhi'waanə ŋga zhi'wa də nə ŋga ənja, taa kə mwayi tii fa wabənəkii, taa pooshi. Maa kə dīi ənji bwaya bwayaanə, dzaluu tə tii, ha hada də tii, ha vii ka tii ŋgeerənə kaa təya də ŋunyi sləna, ha də gazhi'waanə ŋga sə'watə taa mi patə saa'itə ha dzəgunə ka ənja.

---

**3:14 3.14** 2.2; 1 Tim. 1.10. **3:15 3.15-16** Yooh. 5.39; Rooma 15.4; 1 Tim. 4.13; 2 Piita 1.21. **3:17 3.17** 2.21. **4:1 4.1** Slənə 10.42; 2 Koor. 5.10; 1 Piita 4.5. **4:2 4.2** Slənə 20.20,31; Tit. 1.13.

<sup>3</sup> Dawə ha'ə, acii tə'i saa'i na shi ətə pooshi ənji na moo fa ɲunyi dzəgunənə. Amma, makə see sətə kadeesəkə ka tii nə təya moo fanə, ka jaajatənə nə tii də ənji dzəgunənə lanə, kaa təya dzəgunə ka tii makə sətə mwayi tii.

<sup>4</sup> Ka njiikəginə nə tii liminətii ka fa goonḡaanə, təya dzəgərə ka fa jirakənə.

<sup>5</sup> Amma, ma ha, duu aakəɲwa də ətətə naaku nə taa agi mi patə, ha sə'watə taa ɲgutə sa ciba, ha waaza ɲunyi Habara ka ənja, ha mbu'utəgi də slənətə vii Əntaɲfə ka hə.

<sup>6</sup> Ma nyi kamə, ka ndzaanə nə nyi makə sataka ətə ci ənḡə a vii ka Əntaɲfə, waatoo kə mbu'ya saa'i ɲga ətənaaki.

<sup>7</sup> Kə dii nyi gazhi'waanə ɲga slənə goonḡaanə, kə uudəpaa nyi slənaaki əsə, masaaweemə nyi ka vii goonḡaaki əsə.

<sup>8</sup> Kə shii nyi oo'i, ma uusəratə nə Slandanə a ənya, tə'i shikwa ca gəra tə nyi aciikii putə ɲga ndzaanaaki matsəkii akəɲwaciikii. Ma ca, ətə də la gəɲwanə də rəgwakii nə ci. Əntaa ka nyi nyi daanəki nii kəya vii shikwakii əsə, amma da i ka patənə ɲga ənḡitə ca moo ənyanaakii ka shaḡə.

### *Hara wabəɲyiné*

<sup>9</sup> Ma ɗanəkwa, ɗawə gazhi'waanə ɲga shine aa hanə aabiiki pii pii,

<sup>10</sup> acii ma Dimasə, kə bwasee ci ka nyi putə ɲga uudə uushi'inə ɲga duuniyana, ca palə saakii aa Teesaloonika. Kə pyalə Karasəka aanə

hanyinè nga Galatiya. Titusè èsè, kè pyalè ci aanè hanyinè nga Dalèmatiya. \*

<sup>11</sup> See Luka mbèdaanè abiiki. Ma ha sha, 'waanè tè Marèkusè, una pyalya, kaa ca shi ka tsakè tè nyi agi slèna. †

<sup>12</sup> Acii Tikikusè maa, kè slèkee nyi ka ci aa Afisa. ‡

<sup>13</sup> Ma ha sha, ngiraanè ka nyi kèjeerènaaki nga kèla dè èra ètè bwasee nyi ga Karèpusè dè Tèrawasè. Ha ngiraanè èsè lèkalèkatènyinè, ma palee maa, ètè nga kuvè'unè.

<sup>14</sup> Ma Alèkèsandèra ènhya, kè dèi ci ka nyi bwaya bwayaanè ka shañè. Slandanè na ki'itè ka ci bwaya bwayaanaakii. §

<sup>15</sup> Aa ha nèhè naaku nè aciikii èsè, accii kè dèi ci gazhi'waanè nga dzavè waaza Njunyi Habara aa meenè ka shañè.

<sup>16</sup> Ma saa'itè nyi akèñwacii gèñwanè nga təkèñwanè, pooshi èndè gi ka pèrapaanè tè nyi taa rèñwè. Ènji patè, kè bwasee tii ka nyi. Wa Èntañfè a tifyagi ka tii 'waslyakètsatii!

<sup>17</sup> Amma kè kèñaanè Slandanè kèdèhè da nyi, ca tsakè ka nyi ngeerèné nga waaza Njunyi Habara furèñè, hara slikerèné patè asèkè kuvè gèñwanè a fa; kè luupaa Slandanè tè nyi ama Wè èsè.

---

\* **4:10 4.10** Fil. 2.21; Dimasè: Kwal. 4.14; Filim. 24; 1 Yooh. 2.15; Titusè: 2 Koor. 2.13. † **4:11 4.11** Luka: Kwal. 4.14; Marèkusè: Kwal. 4.10. ‡ **4:12 4.12** Tikikusè: Kwal. 4.7-8. **4:13 4.13** Slèné 20.6. § **4:14 4.14** Mat. 16.27; Alèkèsandèra: 1 Tim. 1.20. **4:16 4.16** 1.15. **4:17 4.17** Dan. 6.21; Jab. 22.22; Slèné 1.8; 23.11.

18 Acii ha'ə, kə shii nyi, ka luupaanə nə Slandanə tə nyi acii taa ŋgutə tsarə ŋga bwaya uushi, ca kərə tə nyi jamə aadəgyə, hatə cii kəya ɗa ŋwanuunə. Naakii nə ɗuunuunə ka ca'ə ndəŋwə ndəŋwə. \*Aamiina.

*Tsakə nəhəpaanə*

19 Nəhəpaa ka nyi tə Pərisəkila da Akila da ənji yi ŋga Wanasifara. \*

20 Kə ənəgi Irasəta də Koorintiya, nya bwasee ka Tərafima də Milita acii paa ci fatə ndaŋə ndaŋənə ŋga shishinəkii. †

21 Dawə gazhi'waanə ŋga shinə taabu'u ɗanə vyanə. Ma i Abulusə da Pudisə da Linasə da Kəlawudiya da patənə ŋga ndzəkəŋushi'inə ənji nə'unə, kə nəhəpaa tii tə hə.

22 Wa Slandanə a ndzaanə a ədzəməku, ca ɗa koonə pwapoonə.

---

**4:18 4.18** 2 Koor. 1.10; Fil. 1.19-20. \* **4:19 4.19** Akila da Pərisəkila: Slənə 18.2; Wanasifara: 2 Tim. 1.16-17. † **4:20 4.20** Irasəta: Slənə 19.22; Rooma 16.23; Tərafima: Slənə 21.29.

**Kura Aləkawalə ɲga Əntaɲfə**  
**Gude: Kura Aləkawalə ɲga Əntaɲfə New Testament**  
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 28 Dec 2024 from source  
files dated 29 Jan 2022

56396c70-45d3-5118-be46-8c4c3fec34f1